

龜先生詠物百首

全





伯魏咏物百首刻成傳播遠近其稱之  
者愈曰伯魏長於咏物又曰伯魏妙於  
咏物有人駁之曰咏物詩之一體耳伯  
魏能詩者其詩多體而不妙今以咏物  
稱伯魏非知伯魏者也或舉其說未証  
於余曰並非美以咏物稱伯魏固非



知伯魏者。而以能詩稱伯魏。而不知伯  
魏者。伯魏雄偉碩大。堂乎有題柱  
之望。而其攻學也。及小心討求。翼異無  
倦。博綜廣談。而窮鑽研古經。伯魏可謂  
學得其統者也。若夫文詩其緒餘耳。但  
其人數奇。情望未及。連城之媒。比年侍


父親疾。室家之連綿。為病而兒女多累。  
家道之窘。彼此焦勞。以故不得鞭弭馳  
逐于藝苑。以故人知之者鮮矣。若斯百  
首。亦唯假之以寫悵。懣而已。雖然。今誦  
其詩。設題新奇。前人未及者。十居七  
八。而筆舌發妙。殆猶借麻姑手爪。癢



取者胡厥愉快耶。嗚呼。既巖逝善伯。  
玉沒焉。當今誰能第壘者。然出世之以  
咏物稱伯魏。未可深咎焉。

天明癸卯夏

北海江邨綬撰



咏物百首後序



古人有言。士別三日。即當  
刮目相待。余於賀伯魏。  
始徵其言云。蓋余少時  
與伯魏邂逅于花柳之  
巷。生人真豪蕩俊邁。一見  
意氣相投。尔後劇飲。



酣歌惟日不足。改而采折  
首。讀書六勅之令學。  
乃幡然去其矜。乃負笈  
東遊。歷一紀而歸。怡則  
經史百家。迄稗官小說。  
莫不通涉焉。蔚然氣  
響。非復吳下阿蒙。生


豪俊之氣。溢出于辭。漆  
者。鋒之。手武庫之寸也。  
哉。頃日。梓其咏物。訪百  
名。雖出於游戲。緒條亦  
足。以刮。縱。其之。衆目。而賈  
生。條勇矣。雖然。伯觀所  
為。豈止此而已。其厲操。備



字孟厚

業<sup>ヲ</sup>益<sup>ニ</sup>終<sup>ニ</sup>立<sup>レ</sup>身<sup>ヲ</sup>以<sup>テ</sup>道<sup>ヲ</sup>以<sup>テ</sup>顯<sup>ス</sup>  
榮<sup>ニ</sup>以<sup>テ</sup>生<sup>ヲ</sup>是<sup>レ</sup>余<sup>カ</sup>再<sup>レ</sup>刮<sup>ス</sup>目<sup>ヲ</sup>之<sup>ヲ</sup>  
所<sup>レ</sup>期<sup>也</sup>  
天<sup>ノ</sup>明<sup>ニ</sup>壬<sup>ノ</sup>寅<sup>ノ</sup>冬<sup>ノ</sup>至<sup>ス</sup>

龍<sup>ノ</sup>宮<sup>ノ</sup>家<sup>ノ</sup>垣<sup>ノ</sup>之<sup>ノ</sup>撰



玩鷗先生詠物百首

目錄

鬪龍燈 龍ノマワリドウロウ 鳳僊花 蟬蛻 セミノヌケガラ

倒掖戲 ホヒニ 蜂窠 ハチラス 宮人墓 引火奴

ツネギ 鬼燈 ホウツキ 籠中鳴蟲 案山子 カシ

交綫戲 イトドリ 搏換虎 ハリヌキノ虎 還俗尼

鯉登龍門 官庭新月 慶筆帽 ユキフダサヤ

牽牛花 竹馬 行燈 愛妾換馬

蝸牛 漏斗 ジヤウゴ 雪牛 鏡換酒

金星 ホズミノ火 千里鏡 トヲメガ子 紙船燈



硝子壺中魚 水唾 如雨露 紙索佛 クワセヨ

天鷄壺 鷄ノ水入 涼傘 ヒガラカサ 簾內美人

美人撲螢 美人春遊 美人調馬

美人晝寢 美人角觥 美人蹴鞠

鑊畫 コテエ 遊絲 猫 蓮華燈

推不倒 矢之介人形乘車者 煙火戲 墨

鷺毛脰 チリネザコ 泥塑牛 屠蕪酒

無聲漏 常香盤 鬼燈提灯 オウソウキテラチ 棄子 スナゴ

壺粟花 ケシノハナ 弄胡猻 サルマシ 白鷺

機關的 カラクリマト 春雲 紙帳 救火水籠

目心水カゴ 提灯 鷄卵酒 畫馬

壽帶香 黑牽牛花 胡枝花 ハ

風車 顯微鏡 シメガキ 射香 香ラキク

燈心 饅頭 睡蝶 賣花人

茶鐮擔子 茶弁當 定風兒 矢之介人形 手鞠

棄爛紙籠 カミラツカゴ 蚊幃 泛偶 ウキニギヤウ 水上浮敷板之屬

豆腐 紙撚 コヨリ 默 鞦韆 沙盆珠

海鯪 白鼠 上巳人勝 ヒナ人形

芥子偶人 櫻花 紙烟囊

牡丹花籃車 播分 ユスリバチ 韻字香



春駒

燕子花 カキツメ

仙人骨 ホシダイシ

冬蠅

錦 金錢花

梅酒

轉雪丸 ユキコカシ

詠物百首目錄

玩鷗先生詠物百首

太田氏

平安 賀象伯魏甫著

近江 端隆文仲父校 号春莊

鬪龍燈 龍ニワリドウ

新製鬪龍燈影中尋常走馬敢爭工飛騰不假雲雷  
雨旋轉全綠火焰風終夜青煙含氣勢何時紅血決  
雌雄遲廻漸識膏油減一拘誰添驚葉公

鳳僊花

數莖紅萼映窓紗不競春芳各自誇猩血風薰初借  
色雞冠霜落尚方花和鳴欲寄蕭郎信妖艷先聞秦



女家浴罷美人新剪瓜徘徊試摘兩三葩

蟬蛻 セミノヌケガラ

換骨休言避穀非嗟蟬歲月未知饑天餐已飽金莖  
露尸解空餘羽客衣一點汚塵何得染六銖輕穀出  
誰機似嫌遺蛻人間墜吹去秋風雲外飛

倒掖戲 ホヒン

玲瓏恰比水晶清竒韻殊憐玉振聲豈啻搖唇呼吸  
巧還緣合掌抑揚鳴春風未見携遊市夏夜初聞吹  
滿城愛玩多親雛妓袂涼棚月榭獨縱橫

蜂窠 ハチノス

桑土綢繆歲月長營營恰似築城墻釀花將製千鍾  
酒傍柳先開百牖房蟻子肯誇垂網巧鳩鳩却笑構  
巢忙拮据猶畏寇兵至圍繞故為刀劍防

宮人墓

悲風蕭索北邙傍青草墳荒遺恨長淒雨春寒傷玉  
骨愁雲暮鎖想霓裳鳥聲仍勞新歌曲苔色空餘舊  
粉香莫道芳魂招不得應乘夜月到昭陽

引火奴 ツケギ

引火工夫誰製方杉條松片蘸硫黃雖逐柴薪同出  
處或隨燈燭作行藏稱呼縱使齊臺隸文旂寧無任



棟梁鑽燧錚錚尋汝夜暗中摹索轉彷徨

鬼燈 ホウツキ

素花綠葉一枝輕千顆邀秋簇簇生纈纈衣隨指頭  
裂珊瑚珠向掌中明鳳釵穿處總通窳鶯舌含時忽  
發聲閨女推兒殊愛惜何緣却喚鬼燈名

籠中鳴蟲

秋風野逕草為家一夜收籠愛養加布政若非振金  
鐸含情或訝按琵琶中宵夢斷人歌枕寒曉聲殘燈  
結花羈絆休言難訴恨伎能多是誤生涯

桑山子 カミシ

桑弧不向弄璋家獨立禾田鎮噪鴉禦侮虛張控弦  
勢扶顛幾罵受風斜憂分芻狗終歸鬯動較金鈴能  
護花棄放果逢秋去日無由覩夢訴吁嗟

交綫戲 イトドリ

深窓刺繡日遲遲困倦聊忘交綫嬉促膝俱張雙戟  
指迴眸轉競兩蛾眉疎疎密密成章巧變變翻翻摸  
樣竒授受點頭都不語海棠欄外夕陽移

搏換虎 ハリヌキノ虎

猛獸合棲原野幽耽耽底事市中遊雄姿却作啼兒  
伴虛魄豈為寡婦憂鎮日負嶮終未吼一朝聽籟忽



詠物百首 卷一  
三  
搖頭不惶箭鏃還惶雨林上金毛洗却流不

還俗尼

禮懺多年在梵家重攀內召七香車寒衾久斷鴛鴦  
夢枯木再開桃李花按曲妃嬪新殿閣翻經伴侶舊  
烟霞君王咫尺承恩處自勝空王億土遐九

鯉登龍門

游泳江湖已幾年一朝騰躍直衝天朱鱗激刺桃花  
漲頰尾奮揚雪浪穿勢挾風雷腮欲裂氣吞滄海鬣  
如燃龍門登得顧同隊笑殺雲泥萬里懸九

宮庭新月

宮漏沉沉日未收清暉已傍禁垣浮難臨粧閣窺金  
鏡纔掛垂簾擬玉鈎光動九重天上夕盈期三五夜  
中秋黃昏暫引群娃步不照君王長夜遊

廢筆帽

フルフデノサヤ

禦侮幾年護兔毫一朝退筆未言勞沉淪多擲驅蚊  
火倉卒聊當剪紙刀紫石端溪懷舊里管城公子別  
同袍文房回首行藏隔何日翰林得再遭

牽牛花

籬落墻邊井水濱蔓延攀處轆轤聞淺紅纏染臙脂  
色深碧或含纈纈紋花發牽牛沉曉漢夢回神女泣



朝雲脆共不奈長難駐一片痴情恨夕嘆

竹馬

朱鬣駢駢一脚輕麟兒豚犬並肩行奔騰按轡朝還  
暮磬控如輪縱又橫殿乘多摸救火隊先登或擬衝  
圍兵老來朋友渾懷舊每話少時呼汝名

行燈

楮障遮防鎖紫烟提行最愛自由遷鐵橋影學虹蜺  
起銀盞光含日月懸疾雪如螢寒士牖良風嫌雨草  
堂筵燭奴多領邀賓夜看汝守隅至曉天

愛妾換馬

真成不是厭蛾眉暫為龍媒別愛姬後問今朝遣  
態長揪一日繫雄姿陽臺雨散終歸夢神駿風嘶似  
解悲豈料花間携手地金鞭如電試驅馳

蝸牛

一從蠻觸講和兵暫住塔東避利名時為群童來破  
甲忽握雙角杵移營飛蚊寧恃負山力孝女空勞埋  
海情爭及此蟲能自在瓦唇蒼背運廬輕

漏斗

寄跡當爐懸幟鄉溫柔驚見酒無量螺盃避汝何三  
合鯨飲許誰升一堂好是俗稱呼上戶若逢封爵定



高陽多多益辨韓元帥早晚糟壇帶印章

雪牛

玉兒銀鬢未足奇白牛堂下勢將馳火攻難試田單  
策寒候寧容丙吉疑無復流涎垂地汚唯惶鹿角編  
籬危太陽看照軒簷外衰減還同殼鯨悲

鏡換酒

古鏡塵封粧閣間狂夫貪飲一何頑菱花透莫分嬌  
面竹葉將開帶笑顏雖愧劉妻頰上酒却如陶母自  
裁髮嫁時舊物總存汝既醉從今長不還

金星 トハズミノ火

拜跪金煤星象懸休言媚寵乞垂憐燈花報喜偷春  
後月暈含愁將雨前燦爛非關分野位光茫寧犯少  
微賢梁鴻竟不因人熱掃却殘輝更欲燃

千里鏡 トヲノカ子

遠郭參差極目難聊携鸞鏡倚層巒管中休道窺天  
狹掌裏全同縮地看蟻步近分千里外人聲遙隔幾  
雲端多時眺望初推鏡咫尺蒼茫薄靄殘

紙船燈

樓船不用匠人工楮穀裁來蘭桂同幾日待晴徒泊  
港一宵點燭欲凌空飄揚畫鷁非綠浪引滿錦帆何



假風休怪推移，行陸地夜涼如水，灑堂中。

硝子壺中魚

金鯽銀鱸游泳同，江湖收得玉壺中。寸鱗還似吞舟大，勺水寧知勞尾窮。噴沫光籠雲母障，揚鬣影動水晶宮。竒觀何必長房術，坐見濠梁縮地工。

水噴 如雨露

銅器巧製灌芳園，細頸胡盧樣轉存。原是養花何暫廢，應看洒水自由噴。衰凋全假回春力，蘭菊多荷活命恩。特愛好呼如雨露，堪嘲抱甕丈人煩。

紙索佛 多色ヨリ小ナク

撚絢行奉大悲仙，片剪寸條頻募緣。螺髮珠璣皆裂紙，妙形端相賴施錢。情娥艷簡能銷迹，窮士乞文堪匿隣。此子津梁疲可識，遊方日日倚尖肩。

天鷄壺 鷄水入

輕嘲縱喚會鷄鷄，愛玩何妨書案棲。黃距合臨闕場舉，朱冠却向硯池低。時因傾滴如開口，寧對虛憍能發啼。默契若通玄理妙，他年願與處宗齊。

涼傘 カサカサ

油傘休言用却差，驕陽亭午有誰遮。青霄別設清涼界，紫陌還忘炎暑家。驟雨常愁天抹墨，寒風誠



如花班姬執扇初拋日出處相同悲更加

簾內美人

宮漏沉沉送晚霞垂簾一任柳烟遮含羞似聽鶯聲  
媚流盼纔通星眼斜微暈偏妨天上月輕風未掃霧  
中花欲移蓮步窺園底只恐隣樓笑語諱

美人撲螢

宮紈片片簇官娃萬點飛螢垂柳涯逐去花紅飄水  
殿撲來星彩亂雲街跌蹉何顧金蓮步傾墜敢知玉  
鳳釵欲向御前比多少先籠羅袖上瑤階

美人春遊

春風嫋嫋野川濱拾翠探紅羅綺群鶯妬朱唇調艷  
曲霞輸絳臉帶微醺徘徊應是疑游女顧盼偏能留  
使君晚靄漸籠花柳路幾人歸去夢行雲

美人調馬

紅錦埒邊雷鼓轟官娥躍馬自由調追風忽閃桃花  
影行雨斜翻揚柳腰按轡馳中猶顧態揮鞭悵裏亦  
含嬌蕪臺習戰教君在隊長應關第一招

美人晝寢

侍宴應緣夜卧遲雲髮不管午眠時香魂猶自迷花  
苑蘭質宛然在錦帷金縷枕邊風鐸響水晶外夕



陽移醒來乍聽傍人笑彷彿正疑呼阿誰

美人角觥

新催角觥女如雲纏錦織腰映夕暉但見仙娥分兩  
隊非關娘子督三軍休言揚柳嬌無力忽有櫻桃亂  
鬪芬枉殺蛾眉能伐性若逢明主自垂勳

美人蹴鞠

鴛侶鸞朋珠履輕春愁聊散蹴球聲珊珊珮應迴旋  
響步步蓮隨迎送生俯仰殊憐鈿鳳顛墜斜時拂露  
華清一田乍弄流星拐誤打花梢起宿鶯

餽畫

コトエ

坳埳山川粉紙中寫來微妙眩雙瞳舖舒全賴巧餽  
丸丹墨寧輸噴壁工黏戶涎蝠呈筆格儗花泥燕曉  
描功吹雲彈雪猶煩費一抹人間樣畫空

遊絲

非是蠶桑假女功遊絲本自出天工林園有影飛晴  
日機杼無聲織杳空縷縷剪來花際燕霏霏吹散柳  
邊風三春不繫芳菲去還作水波流落紅

貓

蟠蜿漸起負岫辰鉄爪金毛稱絕倫畫虎不同還類  
狗嘯風堪擬忽吹塵轉晴牽線花亭午洗面負柳



院春假寐應緣窺戲蝶莫嘲前此是麒麟

蓮華燈

八葉何仙剪彩霞蓮燈忽現火中華非關雨露時時  
養唯賴膏油夜夜加愛賞暫辭君子室輝煌轉照梵  
王家紺園秋色天如水就似鼇山紫陌譚

推不倒

矢之介人形乘車者

推轂應緣愛汝賢啼兒永晝併忘眠麟麟好是催嬉  
笑兩兩殊欣競後先牛背三乘何假力風輪一轉欲  
登天無端夜被為凌藉又使慳翁費幾錢

煙火戲

烽燧奇觀製漸加都將伎巧轉相誇夏川初試千般  
戲涼夜還開幾種花織女遙拋雲漢錦僊人忽起赤  
城霞莫言烟火徒遊具傳襲諸藩自有家

墨

筆硯何憂壽不齊文房歲月好相携松煤凝結濃如  
漆麝氣薰蒸摸類圭應聘常遊新楮國託棲長傍舊  
端溪最憐痕跡淋漓色染得芭蕉葉葉題

鷺毛艇

ナリシガコ

六月海風吹雪濤網來乾艇絕腥臊滄池數罟禁長  
廢老子小鮮烹敢勞修月仙人拋玉屑振簑士亂



鷺毛休嘆斗筭論低價猶自魚名列水曹

泥塑牛

伏陽泥塑土宜名駢角宛然誰不驚用捨寧同芻狗  
比周旋却讓篠驂輕騎兒觸怒鞭難起隱士有心牽  
未行試問火攻兼水飲如今穀鯨孰關情

屠蕪酒

盃盤環座合家人倡飲相俱祝歲新老大愈遲藍尾  
酒孩提先占甕頭春香囊漬氣驅瘟疫靈液餘波及  
比隣直置猶呼百藥長三元醉味最精神

無聲漏

常香盤

捧籌玉女屬驕奢咎刻工夫出梵家好是火盤摹鳥  
篆何須水漏假蓮華六時經課能堪記五夜鐘鳴自  
不差莫道香塵多燥濕無聲巧思逐年加

鬼燈提灯

ホウソウキテウチン

群童星夕竹竿輕看汝摇摇畫亦行入夜偏疑龍燭  
耀邀秋暫借鬼燈名影摩烏鵲橋邊遠光滿鳳凰城  
外明送去慙慙約來歲纔餘一萼照歸程

棄子

スズコ

嗶嗶街上孰家兒縹緲風寒不自持幾作徘徊驚狗  
吠乍聞跣躄良人窺恩空鳥鳥谷聲夜夢斷鴝啼



詠物百首 卷一  
血時縱有牛羊腓字異掌珠寧忍暗投悲

甕粟花 ケシノハナ

妖艷偏憐似牡丹墻東避世待春闌微風不起花頻  
落浥露依然萼獨殘綴貯罌中千斛粟難供夢裡一  
炊餐早拋容飾歸真處恰作宮娃入釋看

弄胡猴 カルマシ

底事衣冠笑沐猴春風雜劇壓俳優人猶丑旦施脂  
粉狐賴嬋娟戴鬪體捕月當年輸手段登場今日獨  
跳遊朝三暮四何須配自有纏頭果實投

白鷺

池頭暖景雨晴初飲啄追隨馴釣漁兀立傍磯偏入  
畫徐行臨渚忽銜魚風前垂頂絲相亂林際斜容雪  
不如似上桃花春水漲青山一擊作移居

機關的 カラクリト

彩棚人勝誘群童飛箭競吹星的中動惹管筒拋地  
怒寧論呼吸與天通神仙昔說滄桑變傀儡今看轉  
換工休道開花多少信纔遷二十四番風

春雲

鳳闕朝陽照映時彩紋成縵自離披將添花柳縫春  
媚肯說峯巒戀倩夏竒惜別懇留歸雁字護眠深鎖宿



鶯枝輕風無力吹難散  
催雨多如拾翠期

紙帳

紙壁恰同施粉牆  
帳中寧許透風霜  
四圍含暖陽春窟  
一夜隱形白霧鄉  
胡蝶夢回燈有影  
梅花光動席無香  
貧家豈啻禦冬撰  
好避致雷張夏堂

救火水籠

用瑾水カゴ

曲突平生防祝融  
戒心猶託黑團公  
未蒙焦髮爛頭賞  
寧試濡衣走火忠  
居並門神常沐霧  
身非簷馬亦鳴風  
無情尤甚將春日  
暫作索逋投券筒

提灯

燭籠殊愛便提持  
坳堙能分暗夜時  
緣汝孤行方欲促  
失君寸步亦難移  
近看洞洞無腸是  
遠望搖搖有脚疑  
輕態恐逢風雨暴  
飄然吹去到天涯

鷄卵酒

昔酒將温爐火傍  
看危累卵近瓊觴  
休言早計求時夜  
故欲調和侑下量  
賞味寧同惜鷄肋  
品題應是壓鵝黃  
釀成堪笑籃田怒  
擲齧如何不潤腸

畫馬

何人意匠筆端分  
描寫應空冀北群  
躩蹠如揮雙火鬣  
丹青宛動五花紋  
纔將玉勒馳奔電  
若著金鞭忽



踏雲却笑燕，臺求駿骨嘶。鳴看取畫中聞。

壽帶香

長壽名香海外聞，今看案上吐青芬。同心帶逐薰烟結，連理枝隨餘燼分。落處蟠龍堪證跡，銷時科斗尚餘文。閑窓焚罷跏趺坐，裊裊猶停一穗雲。

黑牽牛花

紫蔓纏綿攀竹欄，摘來奇艷露猶寒。掌中因愛玄珠色，籬落還嫌碧玉殘。非向楊雄宅上綻，定臨張旭池邊看。秋花縱有牽牛目，不比劉家黑牡丹。

胡枝花

胡枝花發戰朝雲，嫋嫋含秋枕上聞。露葉低垂荷月重，風條婀娜拂煙分。落紅寧讓瓊瑜色，碎錦全粧苔蘚紋。戲蝶遊蜂多不識，空教蟋蟀占芳芬。

風車

鉸刀巧剪一乘車，好與孩提笑壓加。旋轉為輪雖有響，駢闐脂轂未聞諱。持竿趨處生紅暈，觸怒拋時散麗花。紙雀風鳶定同產，嬉遊俱在弄璋家。

顯微鏡

春蠶爾昆蟲，映鏡懸纖塵。驚破怒飛前，勢含水擊三千。里影壓風搏，九萬天照去。蟭螟跡難晦，窺來變觸戰。



初鮮誰知慧眼神通力奪在顯微方寸圓

射香 香ヲキク

判花鬪草屬閨人殊愛雙鑪韻事新火候將窺纖指  
掩香名難認翠眉顰半窓斜月應侵曉一炷早梅先  
占春中有氤氳通鼻觀輸贏已定綻朱脣

燈心

脆白纖纖恰似絲常隨銀盞點燈時出身元屬龍鬚  
國寄跡長潛膏海涯永夜焦心悲未訴多年照闇蹟  
誰知看來五色能堪染變素將教墨翟疑

饅頭

蠻頭誤作饅頭呼桃繭何妨美味殊白玉朝蒸仙室  
竈玄丹夕鍊羽人爐羊牛徃古當人肉葷豆如今供  
佛厨一種還看黃菊印將論官闕競贏輸

睡蝶

金翎暫託海棠枝簾幙風收轉靜時一夢攔前何處  
去百花香底肯相離春困偏覺疑粧懶午睡應緣狂  
舞疲庭院無端驚響舞遽然乍向柳邊移

賣花人

東風市陌賣花聲已識韶光滿洛城戀露豈無胡蝶  
逐乞枝頻有稚童迎能啟貧屋賒春色或向章臺擔



晚晴多少得錢拋一醉不妨歸路杖頭輕

茶鐐擔子 茶弁當

行厨隨伴領煙霞却讓芬芳常貯茶消渴相如何暫  
慶好山靈運寵殊加春風踏破蓮華菜秋水携臨玉  
女沙今日輝煌連鹵簿銀裝誰敵屬台家

定風兒 矢之介人形

指頭夔足絳衣披竹骨削然雙臂垂掌上寧輪飛燕  
態君前枉解偃師絲嘯唇潛促婆娑舞掣肘看危歎  
側姿情汝乳人聊欲息街聲幸送定風兒

手鞠

閨閣邀春戲樂多殊憐手鞠簇嬌娥斜迴玉臂攝長  
袖輕轉朱唇唱艷歌絲線纏環花如繡柔綿團搏雪  
飛波賭來三四還千百不許猫兒窺弄他

棄爛紙簾 カミクツカゴ

梁園一別竹奴親寄跡文房經幾春洞腹應誇難測  
地虛心不怒暗投人繡腸才子多相識楮國先生有  
宿因為是還魂期未至裂箋廢紙此逃塵

蚊幃

金鈎紅索翠幃輕繫得宛然六合成不漏鴛鴦衾裡  
夢還饒蟋蟀枕邊聲四垂時有青雲路一夜將遊白



王京驅斥，襲蚊應觸，怒無端，天柱一隅傾。

泛偶

ウキニギヤウ  
水上浮穀板之属

五彩花，跌錦勝船，銀盤試泛，假為川指，頭彈瓜撓，何用水面無風帆，自前徒弄化，生求子戲，寧竒走馬借燈，旋牽絲，傀儡休誇巧，占得春閨兒女憐。

豆腐

瓊液津津出，布囊酪酥還，讓絕醒香鑿，冰何必凌人，職給肉寧須小宰，羊紅扇飛花，燒炙火銀絲，颺浪熱羹湯，三尸將守庚申，夜看汝徘徊隨處忙。

紙撚

コヨリ

擘掣剪裁片，措同一條撚，出指頭工，夜牀驗痘膏，漆力夏帳驅蚊火，試攻否塞宜，通煙管道短長，堪奪竹籤功，狂童不奈逞調，諛刺鼻窺來，噫睡翁。

默

九年面壁老，趺跏鳥宿，淡煙籠碧紗，卧疾維摩，長閉室悟機，迦葉未拈華，傍觀袖手圍碁，席兀座羨魚，垂釣涯能怯，王孫終不語，胸中竊笑市人譁。

鞦韆

裊裊吹晴翠，柳煙彩繩斜，架繡園邊行，雲神女猶迷，峽奔月，嫦娥未上天，直置將危，搖畫板倒懸，乍見墜。



金鈿御風輕態堪相較春色戲遊紅粉仙

沙盆珠

兒曹吹管綺街譁空裡噴珠亂似花映日玲瓏成五彩  
彩含烟温潤絕微瑕趙姬香唾光難認鮫客淚痕磨  
敢加看取行人多按劍暗投莫浪向他家

海鯪

酖顏應喚酒中仙一賜緋衣經幾年非是折腰關斗  
米唯因借眼飽垂涎海潮春暖鬚高聳洲渚秋寒居  
自遷龍女東洋頻擇婿莫將三德失良緣

白鼠

一自虛星謫紫塵藥壓招牌養成珍難追白兔歸天  
上暫避烏圓上帝隣樊籠雙棲金是屋珊瑚兩眼王  
為身教來多伎殊稱妙不讓鞦韆攀索人

上巳人勝

ヒナ人形

錦勝誰摸天上人追思七種菜羹晨閨筵觴政皆紅  
粉邑里燈光暫紫宸不競冶遊修袂聊因嬉戲學  
婚姻休嘲拱默朝廷小戶奉家祠率土濱

芥子偶人

形貌細微泥偶珍何奇杏殼刻僊人鰲頭國裏堪逃  
跡芥子藏中欲託身百顆摘來盈小掌一蹉偏畏陷



織塵老來昏眼全難認  
變隸初分摸態真

櫻花

日域奇花海外聞  
迎春繡葉錦葩薰  
佳名未載群芳譜  
多品寧評本草文  
風曉亂飛瓊樹  
雪晴天擁簇玉山  
雲桃紅梨白  
縱爭態冠領  
艷陽獨有君

紙烟囊

擣成霜楮轉玲瓏  
貯袋方圓製不同  
一掬香煙携袖底  
萬條金縷在懷中  
寧須蠶繭天孫織  
全奪冰綃鮫客工  
撚著多愁寒暑變  
調停燥濕有奇功

牡丹花籃車

姚黃魏紫一籃車  
有脚春來富貴家  
齊使嬌娥歌艷曲  
更看狂蝶逐芳葩  
記輾餘茵上無寒  
雪妬殺蘆中解語花  
非擬風流楊氏檻  
太平何處不驕奢

插盆

備邦乳鉢本傳名  
忽得研槌散不平  
于暮于朝供彼用  
無冬無夏發其聲  
寒厨烟斷蛛絲絡  
熱竈炊催雷軸轟  
定識昌黎送東野  
一時踈漏此殷鳴

韻字香

一柱試薰銀鴨  
灰分明字字點  
香煤不須更勒  
三重韻好是俱爭  
八斗才池上較  
工浮水畫酒中  
供笑泛



花盃漢宮枉費返魂術寫得騷壇唱和媒

春駒

竹馬尋常未足誇  
妖童掉鬣舞容斜  
紫金鈴響腰欺柳  
紅纈纒飄顏似花  
祥比羆熊能入夢  
歌催躑躅自諧  
搗春風呈伎盈街巷  
看汝先鳴祝萬家

燕子花

カキツバタ

三尖巧剪四時春  
紫艷尤深飛燕晨  
難逐薰風同掌舞  
暫含斜日似眉顰  
袈裟借色高僧賜  
優鉢讓光智水  
真休道杜鵑啼血  
染花容肯競奪朱新

仙人骨

ホシダイコン

下體殊且蘿菹辛製成  
旨蓄禦冬珍形容恰訝人參  
質枯槁將呼仙骨真嬌婦  
簷前懸愛日貧家厨裏代  
鮮鱗秋來松蕈頻低價  
暫使晚餐屏爾倫

冬蠅

衰翅漸驚水篔紋芭蕉風戰不勝聞  
避寒窓下何無力愛熱盃中猶逐醺  
難亂鷄聲乘黑夜寧攀驥尾致  
青雲呼朋引類終蕭索學士初拋憎  
嫉文

錦

機上星梭織手忙爛然奪目七襄章  
銀絲練出天河水玉繭飼成帝女  
桑柳裏春風牽鷁首花間晚照映



霓裳衣歸袍賜俱榮顯遮莫迴文却斷腸

金錢花

蠟樣不須鑪炭加金錢鑄出一叢葩折來暫落貧人  
手贈去何妨廉吏家輪郭逢風多易缺楮券經雨轉  
堪嗟幽香馥郁無銅臭夷甫猶呼阿堵花

梅酒

五月江城標有梅芬芳釀得甕頭開攢眉非是關道  
社蹙口不緣登嘯臺小酌掃愁功合淺別腸試飲醉  
何催女郎多又愛酸味頰暈微紅春色回

轉雪丸

西翻東倒雪花團將道皓皓勞轉丸合浦明珠初剖  
蚌嫦娥粧鏡欲尋寒自非陸地行舟力敢作廣衢推  
轂看宋藥休誇不龜手成功今日上盃盤



言外百首

玩鷗先生詠物百首後編

近刻

天明三年癸卯六月

京都書林

御幸町通御池下町

菱屋孫兵衛





